


# Alkitab Buat Bocah

## Nampilin

### Yesus ama Lazarus



Nyeng nulis: Edward Hughes

Nyeng bikin gambar: Janie Forest  
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)


©2024 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.

Maria ama Marta ngerasa kuatir.  
Ade mereka Lazarus sakit-parah.  
Emponya tau bisa jadi  
Lazarus bakalan mati.  
Mereka ngirim orang  
buat manggilin Yesus.  
Dia sayang banget  
ama keluarga kecil  
dari Betania ini.




Pas Yesus ngedenger tentang Lazarus, Dia bilang ama murid-muridNya, "Penyakit kaya gini kaga bakal sampe bikin mati." Meski Yesus jauh banget, Dia tau dengan jelas apa nyeng terjadi ama Lazarus.



3

Yesus nunggu beberapa ari lagi sebelum pegih ke Betania. Lantas Dia bilang kaya tebak-tebakan sama murid-muridNya. "Lazarus udah mati. Aku seneng Aku kaga ada di sono jadi kamu bisa belajar percaya." Apa arti dari kata-kata nyeng rada aneh ini? Apa nyeng direncanain Yesus buat dikerjain?



4

Pas Yesus nyampe di Betania, Lazarus udah mati empat ari. Badannya udah dibungkus ama kaen kafan, dan udah

dimasukin ke dalem goa-kaya kuburan.



5

Marta pegih nemuin Yesus. "Ademu bakal bangkit lagi," Yesus bilang. "Aku tau, di dalem kebangkitran pada akhir jaman," Marta ngejawab. Dia pikir dia kudu nunggu sampe ari terakhir buat ngeliat Lazarus balik lagi. Tapi maksud Yesus beda.




6

"Aku ini kebangkitan dan idup," Yesus bilang sama Marta. "Siapa aja nyeng percaya sama Aku, ia bakal idup meski ia udah mati." Marta percaya sama Yesus. Dia tau kalo Dia itu Anak Allah. Tapi pegimana Dia bisa nulungin Lazarus?




7

Tiap orang ngerasa sedih sebab Lazarus udah mati. Maria sodaranya juga mewek. Semua sohibnya berusaha buat ngehibur dia. Yesus juga mewek.



8

Yesus pegih ama orang-orang itu ke kuburan. Satu batu gede diletakin nutupin pintu.




9

"Angkat batu itu!" Yesus perentahin. "Tuhan", Marta ngejawab, "Dia udah bau, karena udah empat ari dia mati."



10

Kaya apa nyeng diperentah Yesus orang-orang pada ngangkat batu itu. Lantas Yesus sembahyang sama BapaNya di sorga. Yesus siap-siap mao ngadain mujizat nyeng gede biar orang-orangn pada tau




11

"Lazarus!" tereak Yesus. "Kluar!" Orang-orang pasti melototin gua dengan heran. Apa bisa Yesus ngidupin orang mati?



12

Iya! Lazarus kluar dari kuburan, semua badannya kebungkus kaen kafan - IDUP!!



13

"Bukain kaen-kaen itu," Yesus bilang. "Biarin dia pegih."



14

Ada kegemilangan nyeng gede di sono!

Aer mata berobah jadi tetawa. Yesus nepatin omonganNya. Lazarus idup lagi. Cuman Anak Allah nyeng bisa ngasih keidupan ama orang mati.



15

Banyak orang nyeng ngeliat mujizat itu pada percaya ama Yesus. Tapi ada beberapa orang laennya lagi ngelaporin Dia sama musuhNya - yaitu pemimpin-pemimpin bait Allah. Rasa sirik mereka, ngebuat mereka punya niat buat ngebunuh Yesus. Pas

Yesus tsu soal ini Dia pegih jauh buat sebentar.



16

### Yesus ama Lazarus

Sebuah cerita dari perkataannya Tuhan, Alkitab

Ditemuin di

Yohanes 11

"Palang pintu Firman Engkau ngasih terang."  
Mazmur 119:130

17

Tamat

52



60

18

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

19